

ხელშეკრულება №1/123
მომსახურების სახელმწიფო შესყიდვების შესახებ

ქ. თბილისი

25 სექტემბერი 2019წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ. თბილისი, ვაჟა-ფშაველას გამზ. №33 (შემდგომში, „შემსყიდველი“), წარმოდგენილი კანცლერის, ზურაბ ორჯონიკიძის სახით და მეორეს მხრივ შპს „ინტეგრალ“, მის: ქ. თბილისი, ისანი-სამგორის რაიონი, ზ. ხმელნიცკის ქ. №7 ბ.53 (შემდგომში, „მიმწოდებელი“), წარმოდგენილი დირექტორის, ტიგრან ვოსკანიანის სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA190004364) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: ახალი სტანდარტების ვებ-გვერდის დამზადება (CPV 72413000) დანართი №1-ის და დანართი N2-ის (დანართი №1 და დანართი N2 წარმოადგენენ წინამდებარე ხელშეკრულების განუყოფელ ნაწილებს) შესაბამისად.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 4090 (ოთხიათასოთხმოცდაათი) ლარს.

2.2 ხელშეკრულების ჯამური ღირებულება მოიცავს მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 შესყიდვის ობიექტის მიწოდება უნდა განხორციელდეს ხელშეკრულების ძალაში შესვლის დღიდან არაუგვიანეს 30 (ოცდაათი) კალენდარული დღის ვადაში.

3.2 მიმწოდებელმა შესყიდვის ობიექტის მიწოდება უნდა განახორციელოს თსსუ-ს იღველ ქუთათელაძის ფარმაკოპიმიის ინსტიტუტში, მის: ქ. თბილისი, პ. სარაჯიშვილის ქუჩა #36.

3.3 მიმწოდებელი ვალდებულია საკუთარი სახსრებით უზრუნველყოს საიტის მომზადება ყველა საჭირო ტექნიკური უზრუნველყოფით.

4. ხელშეკრულების მოქმედების ვადა

4.1 ხელშეკრულება ძალაში შედის 2019 წლის 25 სექტემბრიდან და მოქმედებს 2019 წლის 31 დეკემბრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. ხელშეკრულების კონტროლის პირობები

5.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

5.2 ხელშეკრულების კონტროლს, შემსყიდველის მხრიდან, განახორციელებს თსსუ-ს კანცლერის 2018 წლის 12 აპრილის #113/02 ბრძანებით შექმნილი კონტროლის განმახორციელებელი ჯგუფი.

5.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“. შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან 3 (სამი) სამუშაო დღის ვადაში, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

5.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის შესახებ მიღება-ჩაბარების აქტი ფორმდება ფაქტიურად მიწოდებული შესყიდვის ობიექტის დამადასტურებელი დოკუმენტების და თსსუ-ს კანცლერის 2018 წლის 12 აპრილის #113/02 ბრძანებით შექმნილი კონტროლის განმახორციელებელი ჯგუფის დასკვნის საფუძველზე.

7. ხელშეკრულების ობიექტის ხარისხი და გარანტია

7.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2 შესყიდვის ობიექტის ხარისხი უნდა შეესაბამებოდეს შემსყიდველის მიერ განსაზღვრულ მოთხოვნებს.

7.3 შესყიდვის ობიექტის საგარანტიო ვადაა - 24/7 საპორტი 1 (ერთი) წლის განმავლობაში შესყიდვის ობიექტის მიღება-ჩაბარების დღიდან.

7.4 ხელშეკრულების მოქმედების ვადაში „შემსყიდველი“ ვალდებულია, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ, ხელშეკრულების 5.3 პუნქტით განსაზღვრული წესით.

7.5 შეტყობინების მიღების შემდეგ, „მიმწოდებელი“ ვალდებულია ხელშეკრულების 7.3 პუნქტით გათვალისწინებულ პერიოდში მნიშვნელოვანი დაზიანების, ხარვეზების გამოვლენის შემთხვევაში, საკუთარი ხარჯებით უზრუნველყოს შესყიდვის ობიექტზე გამოვლენილი ნაკლის აღმოფხვრა შეტყობინებიდან 1 (ერთი) კალენდარული დღის ვადაში. მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება.

7.6 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

8. ანგარიშსწორების ფორმა, გრაფიკი (ვადები)

8.1 „მიმწოდებელთან“ ანგარიშსწორება განხორციელდება ლარში.

8.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

8.3 წინასწარი ანგარიშსწორება გათვალისწინებული არ არის.

8.4 ანგარიშსწორება განხორციელდება მიმწოდებლის მიერ ფაქტიურად მიწოდებული შესყიდვის ობიექტის შესახებ გაფორმებული მიღება-ჩაბარების აქტის გაფორმების თარიღიდან - არაუგვიანეს 15 (თხუთმეტი) სამუშაო დღის ვადაში. იმ შემთხვევაში, თუ მიმწოდებელი დღგ-ს გადამხდელია, ანგარიშსწორება განხორციელდება შემსყიდველის მიერ საგადასახადო ანგარიშ-ფაქტურის დადასტურების დღიდან - არაუგვიანეს 15 (თხუთმეტი) სამუშაო დღის ვადაში.

8.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

9. მხარეთა უფლება-მოვალეობანი

9.1 „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.

- არ მიიღოს უხარისხო საქონელი და მოითხოვოს ახლით ჩანაცვლება (გამოვლენილი ხარვეზები და ნაკლოვანებები უნდა აღმოფხვრას მიმწოდებელმა საკუთარი ხარჯებით).

9.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.

- მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;

- დაიცვას ხელშეკრულებით გათვალისწინებული ყველა პირობა.

9.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.

9.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.

- დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

10.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.

10.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, ვალდებულების შესრულებისთვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიაღწა მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

10.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლო, სახელშეკრულებო ღირებულების 10%-ის ოდენობით.

10.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეათედი) პროცენტის ოდენობით, მაგრამ არანაკლებ 10 (ათი) ლარისა.

10.7 შემსყიდველი იტოვებს უფლებას, ხელშეკრულების პირობების დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება.

10.8 10.7 მუხლის გამოყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

11. ხელშეკრულების პირობების გადასინჯვის შესაძლებლობა

11.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით და წარმოადგენს ხელშეკრულების განუყოფელ ნაწილს.

11.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.

11.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.

11.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ხელშემშლელ გარემოებებზე, მისი გამომწვევი მიზეზების და შესაძლო ხანგრძლივობის შესახებ. შეტყობინების მიმღებმა მხარემ ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

12.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 11.1 პუნქტის შესაბამისად.

12.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

12.6 12.3 ქვეპუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიღებული შესყიდვის ობიექტის ღირებულება.

13. ფორს-მაჟორი

13.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“


თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708987519

„მიმწოდებელი“

შპს „ინტეგრალ“
ქ. თბილისი, ისანი-სამგორის რაიონი,
ბ. ხმელნიცკის ქ. N7 ბ.53
საიდენტიფიკაციო ნომერი 406170049
სს „ბანკი ქართუ“, კოდი CRTUGE22
ა/ა GE26 CR00 0000 2007 843 602

თსსუ-ს კანცლერი
ზურაბ ორჯონიკიძე

შპს „ინტეგრალ“-ის დირექტორი
ტიგრან ვოსკანიანი



1	ახალი სტანდარტების ვებ-გვერდის დამზადება დანართი N2-ის შესაბამისად	3476.50
2	გაუთვალისწინებელი ხარჯი საერთო ღირებულების 15% (აღნიშნული თანხა გამოიყენება მხოლოდ გაუთვალისწინებელ შემთხვევაში და ასეთის არ არსებობის შემთხვევაში არ ანაზღაურდება)	613.50
სულ (ოთხიათასოთხმოცდაათი ლარი და 00 თეთრი)		4090

თსსუ-ს კანცლერი
ზურაბ ორჯონიკიძე




შპს „ინტეგრალ“-ის დირექტორი
ტიგრან ვოსკანიანი

თბილისის სახელმწიფო სამედიცინო უნივერსიტეტის იოველ ქუთათელიძის ფარმოკოქიმის
ინსტიტუტის ახალი სტანდარტების ვებ-გვერდის ტექნიკური მოთხოვნები

ვებ გვერდი იქნება სამენოვანი (ქართული, ინგლისური, რუსული).

ვებ გვერდის შესაქმნელად გამოყენებული იქნება შემდეგი ტექნოლოგიები :

HTML5, CSS3, PHP5, JQuery, JS, MySQL.

სამართავ სისტემას ექნება ვიზუალური რედაქტორის მხარდაჭერა (Visual
Composer, Page Builder, WYSIWYG HTML Editor, CK Editor ან სხვა...)

სისტემა წარმოდგენილი იქნება კომპიუტერის მთელ ეკრანზე, ეკრანის ზომის

მიუხედავად, მათ შორის სმარტფონებსა და პლანშეტებისთვის.

სისტემა ინტეგრირებული იქნება შემდეგ ბრაუზერებთან:

> IE 9+

> Opera

> Chrome

> Firefox

> Safari

ვებ-გვერდი ხარვეზების გარეშე იმუშავებს ყველა პლატფორმაზე (Windows, Linux, Mac,

Android, IOS), სხვადასხვა დიაგნოზის მქონე მოწყობილობის ეკრანისთვის და ყველა

პოპულარულ ვებ-ბრაუზერში (IE, Mozilla, Chrome, Opera, Safari) ის

ოპტიმიზირებული უნდა იყოს ძირითადი საძიებო სისტემების (Google, Yahoo, Bing,

Yandex) მოთხოვნების შესაბამისად.

ვებ-გვერდი იქნება მდგრადი კიბერ-შეტევების მიმართ. (მაგალითად: Sql Injection, Cross

site Scripting, Cross site Request Forgery, Session Hijacking, HTTP Response Splitting,

Remote/Local File Inclusion, Directory Transversal, Insecure Direct Object References, Security

Misconfiguration, Unvalidated Redirects and Forwards, Blind SQL Injection და სხვ.)

ფუნქციონალის სია:

1) სლაიდერი

2) სოციალური ქსელების ინტეგრაცია (კონტენტის გაზიარება) :

- კომენტარების დაწერა;
- კონტენტის გაზიარება facebook-ზე;
- მოთხოვნილი სოციალური ქსელების ლინკები საიტზე.

3) კონტენტის ექსპორტი (ფორმატი: PDF):

- ესაძლებლობა საიტზე განთავსებული კონკრეტული ტიპის ინფორმაციის ავტომატურად PDF ფორმატში დაექსპორტება, გადმოწერა.

4) ნავიგაცია :

- კლასიკური ნავიგაცია (ჩვენს შესახებ, სტრუქტურა, მეცნიერები, თანამშრომლობა, ცნობარი, პუბლიკაციები, ღონისძიებები, პროდუქცია, კონტაქტი, კონფერენცია).
- ძებნა, როგორც ძირითადი სანავიგაციო სისტემა

5) მეცნიერების გვერდი (სურათი, ტექსტი, ბიოგრაფია, CV, პუბლიკაციები, PDF მიზმის საშუალება)

6) პროდუქციის გვერდი:

- პროდუქციის ჩამონათვალი (სურათი, აღწერა)
- ფილტრი ბიზნეს პარტნიორებით და ქვეყნებით

7) იურიდიული ცნობარი:

- 3 დონიანი კატეგორიები,
- PDF, DOC, XLS ფაილების ატვირთვის საშუალება.

8) სიახლეების და ღონისძიებების გვერდი

9) Google რუკა

10) საგიზიტო ვიდეო:

- მაგ: <http://www.cornell.edu/> ბოლოში.

11) იმეილის გადაგზავნის ფორმა:

- მომხმარებელმა ვებ-გვერდიდან შესაძლებელი იქნება მეილის გამოგზავნა.
- კონფერენციაზე ჩაწერის ფორმა.

12) "ჰკვიანი" ონლაინ კონსულტაცია:

- მომხმარებელმა უნდა გაიაროს ონლაინ კონსულტაცია. ასევე მიიღოს შეტყობინება მსგავსი სერვისის არსებობის შესახებ ვებ-გვერდზე ყოფნის დროს. შეტყობინების შინაარსი დამოკიდებული იქნება იმაზე, თუ რა ტიპის ინფორმაციას ათვალიერებს მომხმარებელი.

13) სამართავი პანელი შესაბამისი რაოდენობის იუზერებით და ინდივიდუალური უფლებებით.

14) თანამშრომლების თანამდებობრივი იერარქიის გრაფიკული ინტერპრეტაცია.

Tree ტიპის ბმულების სტრუქტურა(მაგ. <http://new.tsmu.edu/structure>)

15) ონლაინ მიმოწერის (ჩათი) ინტეგრაცია – ჩათის ადმინ პანელიდან

გაიმართება როგორც ვებ-გვერდის ჩათში მოსული შეტყობინებები, ასევე

facebook-ის გვერდზე შემოსული შეტყობინებები.

დიზაინი:

- ორი განსხვავებული და ექსკლუზიური დიზაინი: 1 - დიდი ეკრანის მქონე კომპიუტერული მოწყობილობებისთვის (ლექტორები, პერსონალური კომპიუტერები...) 2 - მცირე ზომის ეკრანის მქონე კომპიუტერული მოწყობილობებისთვის (სმარტფონი, ტაბლეტი...).
- ორივე დიზაინი 100%-ით დააკმაყოფილებს თანამედროვე ვებ-სტანდარტებს.
- გათვალისწინებული იქნება ვებ-გვერდის სპეციფიკა და მომხმარებლის ფსიქოლოგია, აქედან გამომდინარე მოხდება ფერთა გამის დადგენა და მედიცინასთან დაკავშირებული ელემენტების ჩასმა.
- დიზაინი იქნება მარტივად აღსაქმელი.

სადიებო სისტემისთვის ოპტიმიზაცია:

- დაიწერება სადიებო სისტემების ოპტიმიზაციის(SEO) პოლიტიკა და სტრატეგია.
- იარსებებს ყველა ის კრიტერიუმი რისი საშუალებითაც საიტი შეძლებს სადიებო სისტემის "ტოპ-ჩარტებში" მოხვედრას. იმის მიუხედავად, ძეგნა მოხდება ინგისურად, თუ ქართულად.

გათვალისწინებული შემთხვევები:

- თუ სამუშაო პროცესში გაჩნდება დამატებითი ფუნქციონალის შექმნის ან გათვალისწინებული შემთხვევის აღმოფხვრის საჭიროება, შემსრულებელი დამატებით სერვისს განახორციელებს საერთო ღირებულების 15%-ის ფასად.

ტრენინგი:

- სისტემის აწყობის შემდეგი კონსულტაცია - მის არქიტექტურასთან და მოხმარებასთან დაკავშირებით.

საპორტი 1 წლის განმავლობაში.

თსუ-ს კანცლერი
ზურაბ ორჯონიკიძე

შპს „ინტეგრალ“-ის დირექტორი
ტიგრან ვოსკანიანი

